

May 08, 2016

Makainnem a Domingo kalpasan Panangungar:

Leksion 24: Pannakaigloria ti Nailansa iti Krus a Mangisalakan

Daan a Tulag: Isaias 52:13

Ti agsagaba nga Adipen

Kuna ni Yahweh, “agbaliginton ti adipenko ti aramidna, maitan-ok ken maidayawto ti kasta unay.”

Baro a Tulag: Aramid 1:6-11

6 Itan, idi nakapaguummongdan, inimtuodda kenkuana: “Apo, isublim kadi ti pagarian iti Israel iti daytoy a tiempo?” **7** Kinunana kadakuada: “Saan nga agpaay kadakayo ti panangammo kadagiti tiempo wenno pampanawen nga inkabil ti Ama iti bukodna a sakup; **8** ngem umawat kayto iti pannakabalinm inton dumteng kadakayo ti nasantuan nga espiritu, ket dakayo dagiti saksik agpadpada idia Jerusalema ken iti intero a Judea ken Samaria ken agingga iti kaadaywan a paset ti daga.” **9** Ket kalpasan a naisaona dagitoy a banag, bayat a kitkitaenda, isu naipangato ket maysa nga ulep ti nangala kenkuana manipud iti panagitada. **10** Ket idi a simamatmatda iti tangatang bayat nga isu agpangpangato, kasta met, adtoy! nagtakder iti sibayda ti dua a lallaki a nakakawes iti puraw, **11** ket kinunada: “Lallaki a taga Galilea, apay nga agtatakder kayto a kumitkita iti tangatang? Daytoy Jesus a naawat iti tangatang manipud kadakayo umayto a kasta iti isu met laeng a pamay-an kas iti pannakakitayo kenkuana ti ipapanna iti tangatang.”

Pannakailawlawag ti Teksto

Ti balikas a Mesias iti Hebreo ket kayatna a saoen, “Ti naikonsagrar” a ti kangrunaan a pakaseknanna ket ipatungpalna ti mangwayawaya a pagrebbengan nga insangol kenkuana ti Dios. Idi 540 a tawen sakbay ni Cristo, umadani ti panagpatingga ti panakaadipen dagiti Israelita idia Babilonia gapu ta naituding ti panakarpugna kalpasan ti nagsasaruno a panakaabakna iti gubat babaen iti bumilbileg nga emperio ti Persia nga iturayan ni ari Ciro. Ti di masigurado a kasasaad ket agraraira nga ad-adda a mangpakapuy kadagiti naadipen nga Israelita, ngem adda maysa a Propeta nga inawagan dagiti eskolar a maikadua nga Isaias (ta dagiti padtona ket nainayon kas paset ti libro ni Propeta Isaias) a timmakder a nagsao iti mensahe ti namnama, panakaitag-ay ken panakaisubli ti nasayaat a kasasaad dagiti kas kenkuana a naadipen.

Dagiti padto ken mensahe maipanggep iti namnama ken panakaisalakan ket masarakan iti kapitulo 40-55 ti libro ni Isaias ket maibilang a paset ti agtultuloy a tradision propetiko ni Isaias iti kinapingetna a mangilawlawag ken mangipakaawat iti panawenna kadagiti mensahe maipanggep iti panangukom ti Dios a naipakaammo 160 a tawen ti napalabas idia Jerusalema.

Kaaduan kadagiti padto ni maikadua nga Isaias ket naipakaammo babaen kadagiti napipintas a daniw ken kanta, adda pay uppat a naisangsangayan a pinutarna a kanta maipanggep iti maysa nga inawaganna iti katalek ti Dios. Maysa kadagitoy ket naipakaammo kas kanta ti agsagsagaba a Katalek (Suffering Servant) iti Isaias 52:13-53:12 nga adda dakkal a pakainaiganna iti tekstotayo.

Kas maysa a Judio, ni maikadua nga Isaias ket ammona ti tradisional a kulto dagiti Judio, ket maysa kadagitoy ti panakaidaton ti animal para iti panakapakawan ti basol. Maysa pay kadagitoy ket ti panakaikisap ti adu a biag ken panakadadael ti adu a sanikua para iti panakapakawan ti basol dagiti ad-adu ti bilangda a Judio.

Iti panirigan ni maikadua nga Isaias, saan nga epektibo ti animal a mapuoran kas daton para iti panakapakawan ti basol, ti panagpannurray dagiti tattao iti daytoy a ritual ket kawaw ken awan kaipapananna ta adayo daytoy iti kinapudno. Impakaammo ketdi ni maikadua nga Isaias ti imahe ti Agsagsagaba a Katalek ti Dios a mangidaton iti bagina kas nasudi a sakripisio ken kakkaisuna a wagas nga ited ti Dios para iti panakapakawan saan laeng a ti basol dagiti Judio ngem ti sangataoan. Babaen iti daytoy, ti panagsagaba ti Katalek ti Dios ket saan a pannusa gapu iti basol kas iti sigud a panakaammo dagiti Judio, ngem ketdi, daytoy a panagsagaba ti inosente a katalek ti Dios ket maipakita kas paset ti plano ti Dios para iti panakaikappia ti sangalubongan iti Dios a Mannubbot ken Mangikappia.

Daytoy nga imahe ti agsagsagaba, inosente, naparbeng ken natulnog a katalek ket maikanatad iti ministri ken mision ni Jesus. Daytoy ket naiduma iti panakaawat dagiti kaaduan ta daytoy nga imahe ket isu ti mangikeddeng no kasano a maipatungpal ti mision ni Jesus. Daytoy nga imahe ti agsagsagaba a katalek ti nagbalin a basaran ti panakaawat dagiti adalan iti kinasiasino ni Jesus kas Mesias.

Dumtengto ti panawen nga adda mangngegan dagiti tattao iti nadumaduma a paset ti Juda ken Jerusalem iti asideg ti karayan Jordan a timek iti let-ang. Daytoy a timek ket sagiden ken tignayenna ti puso dagiti tattao tapno agbabawi ken pabuniaganda idia karayan Jordan. Ni Juan ti impapanda a Mesias ngem saanna nga inako, impakaammona ketdi nga isu ti mangisagana iti dalan ti Apo nga umayto. Idi nagparang ni Jesus idia karayan Jordan, nasdaaw ni Juan a mammuniag ket impakaammona a ni Jesus ti pudno a kordero ti Dios a mangdalus kadagiti basol ti lubong.

Idi 33 CE. (panawen ni Jesus) inrugi ni Jesus nga inkasaba ti Pagarian ti Dios, ket iti panangaramidna iti daytoy, nariribuk ti lubong dagiti pangulo ti relihion ken kameng ti autoridad ti Roma, gapu iti daytoy saan a naliklikan ti panakatiliwna ta napabasol kas rebelde, nagsagaba ken natay babaen iti panakailansana iti krus, ngem nagungar iti maikatlo nga aldaw. Dito a napalagipan dagiti adalan iti imbaga ni Jesus a ti panagtuokna ket maipaay iti kappia ken panakapakawan ti basol dagiti adu a tattao. Kalpasan ti 577 a tawtawen nanipud panakaputar ti kanta ti agsagsagaba a katalek babaen ken maikadua nga Isaias, nasarakan met laengen ti kaimudingan ken kaipapanan daytoy iti biag ken mision ni Jesu Cristo. Ket iti imatang dagiti adalan, naipangato ni Jesus sadi Gloria, ngem impasiguradona a saanda a madanagan ken mariribukan ta pabilgen ida ti Dios babaen iti Santo Espiritu, imbilinna pay kadakuada ti panagsaksida iti maipapan kenkuana idia Jerusalem, iti entero a Judea ken Samaria ken iti amin a suli ti daga. Nasaksianen dagiti adalan ti panakaigloria ni Jesus, ti naan-anay a panakapadayawna gapu iti awan pagkuranganna a kinatulnog ken kinamatalekna iti misionna kas imbaon ti Dios a mangisalikan. Insagut ni Jesus kadagiti adalanna ti panakipaglak-amda iti gloriana iti daydiay a gundaway, ti panakapadasda met iti Gloria ken panakapadayaw a maikari laeng kadagiti napudno a nangibaklay ken nangibiag iti mision ni Jesus.

TARABAY KADAGITI MANGISURO

Ti iyuuli ni Jesus sadi Gloria ket kasilpo ti panagungarna, a ti bagina a naigloria ket saanen a kas iti sigud a nakaparsuaanna nga agrupsa. (Roma 8:19-23) Ti balligina a nangpamek iti pasdek ti kinadakes-ti napolitikaan ken naespirituan a panagturay ti dakes nga emperio ti Roma-ket pakailasinan ti sangalubongan a pasamak, a pakairamanan ti sangaparsuaan a mawayawayaan manipud iti sigurado a pannakadadael. Daytoy ket mainaig iti naan-anay a pannakawaswas dagiti naindaklan a nagbaetan ti langit ken daga, dagiti mataginayon ken saan a mataginayon a bambanag, iti nagbaetan ti Dios ken ti sangaparsuaan.

Iti libro ti Paltiing, naipakita daytoy kas ibababa ti langit dito daga gaputa aramiden ti Dios kas pagtaenganna. (Pal. 21:3) Maysa a daniw a mangiladawan iti sirmata dagititattao ni Apo Dios no ania dagiti agur-uray iti masakbayan a kari ti baro a biag ken Cristo-baro a parsua, baro a langit

ken baro a daga. Kangrunaan a pannakaawat ti Cristiano iti kinapudno (reality) ket ti pannakariing manenti sigud a panggep ti Dios, a babaen ken Cristo kas naglasag a Dios, maikappia ti sangaparsuaan iti mammalsua manipud iti pannakaisinana gapu iti basol. Daytoy ti kaipapanan ti pannakaisalakan; aniaman ti balligi ti naglasag nga anak ti Dios ditoy daga ket maanamongan ken mapasingkeda idiy langit. Ngarud, ti pasamak ditoy lubong ket agbalin a pasamak iti sangaparsuaan. Ti lubong ket buklen ti napolitikaan ken naespirituan a masakupan, ngem dagitoy ket paset met laeng ti tunggal maysa, ngarud, ti panangsango ni Jesus iti bileg ti emperio ket kaipapananna met laeng ti panangsangona iti pakaseknan ti sangaparsuaan, ti nagbaetan ti Dios ken Satanas, ket ti moral ken spiritual a balligina ket mangted pagimbagan iti sibubukel nga aspeto ti biag. Gapu iti daytoy, ti risiris para iti hustisia a napolitikaan ket maysa met laeng a risiris iti naespirituan a lubong, ket ti hustisia ket ramaramenna ti hustisia ti sangalubongan. Ti pagayatan ti Dios a mapasamak idiy langit ket mapasamakto met ditoy daga. (Kararag ti Apo) Ket ti baro nga urnos ti sosiudad ket kaibatugan met laeng ti kaipapanan ti baro a parsua ken Cristo. Ditoy a ti Dios ket pabaroen, urnosen ken pagkakappiaenna dagiti amin a parsua. Ket nupay kasla agturturongtayo amin iti pannakadadael, ti pammatitayo ket bibiagen ti namnama a ti Dios agtigtignay tapno salbarena ti sangaparsuaan manipud iti naan-anay a pannakadadael. Ket saan koma nga agkompiansa ti Iglesia gapu iti kaadda daytoy a namnama ta daytoy ket maysa a pannakaayab ti sibubukel a bagi ni Cristo a makipagpaset.

Nursery/Kindergarten/Younger Elementary Levels

I. Panggep

Kalpasan ti panagadal, ken ti di agsarday a panangipakita dagiti nagannak ken dagiti nataengan, iti pagtuladan a wagas ti panagbiag, dagiti ubbing ket manamnama a:

1. dumngegda iti estoria no kasano nga immuli sadi langit ni Jesus;
2. maisaritada no kasano ti kinamanagtulnog ni Jesus ken ni Amana;
3. makaipakitada ti simple a wagas ti kinamagtulnog kadagiti naggannakda babaen iti inpakita a pagwadan ni Jesus.

II. Konsepto: Ni Jesus immuli sadi gloria

Dagiti Kasapulan: *Biblia* (NRSV), pagkantaan, *The Holy Bible* (NRSV), balloons, strips of paper, markers, activity sheets

III. Linaon ti Panagadal

A. Panglukat a Panagdayaw

1. Panangpasangbay: Kablaawan dagiti ubbing iti nabara ken narasak a kablaaw. Ikkan ida ti sobre nga pagyaman iti naidumduma a pagyamanan.
2. Panglukat a Kararag:
"Managayat a Dios, addakami manen iti daytoy a Domingo tapno agadal kami kadagiti Sasaom ken iti kina-imbag dagiti inar-aramid ni Jesus. Agyamankami ti kapadasanmi iti pannaka-ammo kenka ken no kasano ti agbiag a nasayaat. Agyamankami kadagiti kaeskwelaanmi ken ti mangisuro kadakami iti agnanayon nga anusna kadakami. Dagitoy ti kararagmi ken Jesus nga Apomi, Amen!
3. Panagkanta: Kanta a pangkabilaaw

B. Panagsagana

Para N/K

1. Mangisagana ti balloon, masapul nga saggaysada dagiti ubbing.
Ikkam ida ket palubosan no ania makunada iti dayta a balloon a naipaiggem kadakuada.
2. Rummuar kayo iti ruar ti kapilya. Ibagam kadagiti ubbing nga ibbatanda ti balloon.
Ibagam nga buyaenda ti balloon nga agpangato.
3. Diskutiren no ania napasamak iti balloon ken damagem no ania nariknada bayat nga innibattanda ti balloon.

Para YE:

1. Isurat dagiti sumagaad iti blackboard wenno iti papel. Ipabasam kadagiti ubbing.
Damagem no umannamongda wenno saan kadagiti naisurat.
 - a. Nagungaren ni Jesu Cristo..
 - b. Ni Cristo ti pakaiyebkasan ti ayat ti Dios kadayo.
 - c. Naindaklan ni Jesus.
 - d. Kukua ti Dios ti lubong ken amin a linaonna.
 - e. Babaen iti pannakaammo ken Jesus, maipakita ken maiburaytayo ti ayat ti Dios kadagiti sabsabali.
2. Iproseso ti aktibidad iti klase. Ania ti riknada iti nga inibbatanda ti balloon.

C. Panawen ti Panagadal

1. Agistoria.

Naipangato ni Jesus diay Tangatang

(Maibatay iti Dagiti Aramid 1:6-11)

- Nakaragragsak dagiti adalan gapu ta nagungar ni Jesus. Ni Jesus ti mangisalakian ti lubong. Isuna ket Cristo ti lubong. Dinamag ti maysa kadakuada, “Daytoy kadin gundaway ti pannakaisubli ti pagarian ti Israel?” Simungbat ni Jesus ket kinunana: “Ti laeng Ama ti makammo iti tiempo a pannakaisubli ti pagarian ti Israel. Isu ti makaammo awanen ti sabali. Isu ti addaan pannakabalin a mangisubli.
- Panpanunoten dagiti adalan daytoy a sinao ni Jesus. Intuloy na ngarud. “Inton agsubliak iti Ama, ti Santo Espiritu ti umayto kadakayo. Ikkannakayto ti pannakabalin nga agsaksi kadagiti sabsabali. Ipadamagyonto kadagiti sabsabali ti Naimbag a Damag.
- Idi kuan maipangpangto ni Jesus iti tangatang ket kitkitaen dagiti disipulos. Idi kuan lengdanen ti ulep ket inwagaywayda ti imada sada kinuna: “Ur-urayentayo manen ti isusublina ditoy daga”.
- Nakaragragsak dagiti adalanna a nagsisina napnoan pigs a mangpadamag ti Naimbag a Damag maipapan ken Jesus.

2. Inaig daytoy nga istoria iti kapadasan ti tunggal maysa a nagibbat ti balloon iti ruar.

D. Panangpauneg ti Adal/Panagbibinnuray

Damagem dagiti sumaganad:

1. Siasinno dagiti tattao iti istoria? (Jesus ken dagiti adalanna)
2. Apay a naragsak dagiti adalan? (Nagungaren ni Jesus)
3. Ania ti dinamag dagiti adalan? (Daytoy kadi ti panawen a maipasubli ti pagarian ti Israel)
4. Ania ti insungbat ni Jesus kadakuada? (Ti laeng Ama ti makaammo ti gundaway a pannakaipasubli ti pagarian ti Israel)
5. Ti Sao nga “Ascencion” kayatna a sawen pannakaipangato ni Jesus diay langit. Makunatay kadi a ni Jesus naipangato diay langit? (Wen) Apay? (Naipangato ni

- Jesus diay langit tapno agsubli iti Amana) Makunatay kadi a ni Jesus naipangato ket pimmanaw a nagsubli iti amana? (Wen)
6. Kasano ti rikna dagiti adalanna kalpasan a nakitada ti pannakaipangato ni Jesus sadi langit? (Naragsak) Apay? (Namnamaenda ti panagsubli ni Jesus kadakuada)
 7. Ania ti kari ni Jesus kadagiti adalanna? (Umayto ti Santo Espiritu ket isunto ti mangted ti pannakabalin kadakuada nga mangipadamag ti Naimbag a Damag)
 8. Ania ti panagkunam nga inaramid dagiti adalan kalpasan ti pannakaipangato ni Jesus? (Inpadamagda kadagiti tattao ti Naimbag a Damag)

E. Panangdiskubre ti Adal

Sawem: “Natulnog ni Jesus iti Dios nga amana iti entero a panagbiagna. Napagungar ni Jesus manipud ken patay. Damagem: “Para kenka mamatika kadi nga nagbalin ni Jesus a natulnog iti Amana?” Apay?

F. Panangyaplikar ti Naadal

1. Isuro ti laglagipen a bersikulo. Daytoy Jesus a naawat iti tangatang manipud kadakayo umayto a kasta iti isu met laeng a pamay-an kas iti pannakakitayo kenkuana nga ipapanna iti tangatang.” (Dagiti Aramid 1:11)
2. Para N/K: Damagem: “Managtulnog ka kadi kadagiti nagannakmo?(wen)
3. Para Y/E: Ikkan dagiti ubbing ti checklist. Ibagam kadagiti ubbing sungbatanda dagiti saludsod babaen iti simple a wagas a panagtulnog kadagiti nagannakda. Ibagam nga ikkanda ti tsek ti sungbatda.

Wagas ti Panagtulnog	Wen	Saan	Manmano.
a. Panagayatko kadagiti padak nga ubbing.			
b. Agkararagak inaldaw			
k. Mannakigayyem kadagiti sabsabali			
c. Ibingayko ti kankanek kadagiti mabisin			
d. Innak makikapilya a kaduak dagiti nagannakko			

G. Pangrikep a Panagdayaw

1. Pangdaton: Usaren ti sobre para iti panagdaton
2. Pangrikep a Kanta: (Agkantada kadagiti kankanta a nasursuroda)
3. Pangrikep a kararag:
 “Apo Dios, naipangato ni Jesus tapno agsubli kenka. Naadalmi a napasnek ti panagtulnogna kenka ket agymanakami ti modelo nga inpakitana kadakami a babassit nga ub-ubbing. Tulongannakami tapno managtulnogkami kadagiti nagannakmi a kas inaramid ni Jesus. Daytoy ti kararag mi ken Jesus nga Apomi, Amen!

Middle and Older Elementary Levels

I. Panggep

Kalpasan ti panagadal, dagiti nagatendar ket manamna a:

1. Mailadawanda no kasano ti naballigian a pannakaipangato ni Jesus nga napan iti Amana;
2. Mailawlawagda ti kagagalad ni Jesus a managtulnog iti Amana;
3. Mangilistada ti wagas no kasano nga agtulnogda kadagiti nagannakda, tisserda, ken kadagiti tattao nga adda autoridadna;

II. Konsepto: Ni Jesus immuli sadi gloria a sibaballigi.

Dagiti Kasapulan: *Biblia* (NRSV), pagkantaan, two-kulom activity sheet,

III. Linaon ti Panagadal

A. Panglukat a Panagdayaw

1. Panangpasangbay
2. Panglukat a kararag: “Managayat a Dios, addakami manen iti daytoy a Domingo tapno agadal kami kadagiti Sasaom ken iti kina-imbag dagiti inar-aramid ni Jesus. Agyamankami ti kapadasanmi iti pannaka-ammo kenka ken no kasano ti agbiag a nasayaat. Agyamankami kadagiti kaeskwelaanmi ken ti mangisuro kadakami iti agnanayon nga anusna kadakami. Dagitoy ti kararagmi ken Jesus nga Apomi, Amen!
3. Panglukat a kanta: “The Hands of God” HFJ # 295

B. Panagsagana

Damagem kadagiti ubbing no ania riknada kadagiti sumaganad nga sitwasion:

1. No mapanawanda iti balayda ket dagiti kakabsatda ti kaduada.
2. Adda papanan dagiti nagannakda a nasisista
3. Saanda a nakalugan iti umuna a bus gapu ta napunnon ket agluganda iti maikadua.

C. Panawen ti Innadal

1. Ibagam iti klase a basaenda ti pakaibayatan ti teksto kas pagsisinnublatan.
2. Basaen dagiti agadal dagiti sumaganad ket idalan ida ken ilawlawag ti kayat a sawen dagiti naugedan nga sarita.
 - a. “Apo Dios, daytoy kadi ti gundaway a maipasubli ti pagarian ti Israel? (daytoy ti gundaway nga ideklara ni Jesus ti panagbalin nga Arina)
 - b. “Ti laeng Ama ti makaammo ken mangted pannakabalinna a mangipasubli ti pagarianna. (Pudno nga ti Ama ti makaammo ti tiempo ken gundaway)
 - c. “maawatyonto ti pannakabalin ti Santo Espiritu ket dakayto ti agbalin a saksik iti Jerusalem, Judea, ken Samaria ken iti amin a suli ti lubong. (umayto ti Santo espiritu tapno pabilgenna dagiti adalanna tapno mangasaba, mangisuro ken mangagas kadagiti tattao)
 - d. “Lallaki a taga-Galilea, sapay ta kasta la unay ti panangkitayo ken Jesus a naipangato, umayto manen a kasta ket aggapunto sadi Gloria. (Daytoy ti panangkita dagiti tattao ken Jesus iti amin a panawen ti panagbiagda; ti nagmarka nga sitwasion ti panagsublinto manen ni Jesus iti maikadua a daras.)

D. Panangpauneg ti Adal/Panagbibinnuray

Damagen dagiti sumaganad. Ibagam iti klasem a basaenda ti bersikulo a pakakitaan ti sungbat iti saludsod:

1. Ania ti dinamag dagiti adalan ni Jesus iti naggu-ummungda? (6 Itan, idi nakapaguummongdan, inimtuodda kenkuana: “Apo, isublim kadi ti pagarian iti

- Israel iti daytoy a tiempo?” No ti Pagarian ti Israel ken Pagarian ti Dios dagiti adalanna namnamaenda nga iproklamar ni Jesus ti panagbalinna nga Ari)
2. Kasano nga sinungbatan ni Jesus ti saludso dagiti adalanna? **(7** Kinunana kadakuada: “Saan nga agpaay kadakayo ti panangammo kadagiti tiempo wenno pampanawenk nga inkabil ti Ama iti bukodna a sakup;) Ibag-baga ni Jesus ti pannakabalin ken autoridad ti Amana. (Ni Jesus ket managtulnog iti pagayatan ti Amana, ti Amana ket mannakabalin amin, adda iti amin ken napno’t kinadayagna)
 3. Ania pay ti sinarita ni Jesus kadagiti adalanna? **(8** ngem umawat kayto iti pannakabalinm inton dumteng kadakayo ti nasantuan nga espiritu, ket dakayto dagiti saksi agpadpada idia Jerusalemo ken iti intero a Judea ken Samaria ken agingga iti kaadaywan a paset ti daga.”)
 4. Sinno ti nagparang iti sikigan ni Jesus bayat a buybuyaenda nga ngumato? (10 dua a lallaki)
 5. Ania ti kinuna dagiti dua a lallaki? **(11** ket kinunada: “Lallaki a taga Galilea, apay nga agtatakderkayo a kumitkita iti tangatang? Daytoy Jesus a naawat iti tangatang manipud kadakayo umayto a kasta iti isu met laeng a pamay-an kas iti pannakakitayo kenkuana ngaipapanna iti tangatang.”)

E. Panangdiskubre ti Adal

Saludsodem: “Kasano nga inpakita ni Jesus ti kinamanagtulnogna iti Amana? (Insubmitarna ti biag iti pagayatan ti Amana)?”

F. Panangyaplikar iti Naadal

1. Isuro ti laglagipen a bersikulo. Daytoy Jesus a naawat iti tangatang manipud kadakayo umayto a kasta iti isu met laeng a pamay-an kas iti pannakakitayo kenkuana nga ipapanna iti tangatang.” (Dagiti Aramid 1:11)
2. Iruar ti dua-kulom nga chart ket ibagam nga sungbatanda iti nasayaat a wagas ti panagtulnoga.

TATTAO	WAGAS TI PANAGTULNOG
1. NAGANNAK	a. Agbasa a nalaing.
	b. Mangan ti nasusustansiya a taraon
	c. Respetuen dagiti in-inauna
2. TITSER	a. Aramidenyo dagiti asaymentyo
	b. Dumnggeg a naimbag iti titser
	c. Makipagpartisipar iti diskusion
3. MEDIKAL A TATTAO	a. Tomaren ti agas nga ited ti doctor.
	b. Mangan ti nasasalun-at nga makan
	c. Masapul nga regular ti tsek-up
4. PAPASTOR	a. Nasayaat ti pannakilanglangen kadagiti sabsabali
	b. Mangiburay kadagiti sabsabali
	c. Agatendar ti Sunday School kada Domingo

G. Pangrikep nga Aramid

1. Laglagipen a Bersikulo: “**11** ket kinunada: “Lallaki a taga Galilea, apay nga agtatakderkayo a kumitkita iti tangatang? Daytoy Jesus a naawat iti tangatang manipud kadakayo umayto a kasta iti isu met laeng a pamay-an kas iti pannakakitayo kenkuana ngaipapanna iti tangatang.” Dagiti Aramid 1:11”
2. Panagdaton:
3. Pangrikep a Kanta: "The Hands of God" HFJ # 295
4. Pangrikep A Kararag:
“Apo Dios, naipangato ni Jesus tapno agsubli kenka. Naadalmi a napasnek ti panagtulnogna kenka ket agymanakami ti modelo nga inpakitana kadakami a babassit nga ub-ubbing. Tulongannakami tapno managtulnogkami kadagiti nagannakami a kas inaramid ni Jesus. Daytoy ti kararag mi ken Jesus nga Apomi, Amen!

Youth Level

May 08, 2016

Makainnem a Domingo kalpasan Panangungar:

Leksion 24: Pannakaigloria ti Nailansa iti Krus a Mangisalakan

Daan a Tulag: Isaias 52:13

Ti agsagaba nga Adipen

Kuna ni Yahweh, “agbaliginton ti adipenko ti aramidna, maitan-ok ken maidayawto ti kasta unay.”

Baro a Tulag: Aramid 1:6-11

6 Itan, idi nakapaguummongdan, inimtuodda kenkuana: “Apo, isublim kadi ti pagarian iti Israel iti daytoy a tiempo?” **7** Kinunana kadakuada: “Saan nga agpaay kadakayo ti panangammo kadagiti tiempo wenna pampanawen nga inkabil ti Ama iti bukodna a sakup; **8** ngem umawatkayto iti pannakabalinm inton dumteng kadakayo ti nasantuan nga espiritu, ket dakayto dagiti saksik agpadpada idia Jerusalem ken iti intero a Judea ken Samaria ken agingga iti kaadaywan a paset ti daga.” **9** Ket kalpasan a naisaona dagitoy a banag, bayat a kitkitaenda, isu naipangato ket maysa nga ulep ti nangala kenkuana manipud iti panagitada. **10** Ket idi a simamatmatda iti tangatang bayat nga isu agpangpangato, kasta met, adtoy! nagtakder iti sibayda ti dua a lallaki a nakakawes iti puraw, **11** ket kinunada: “Lallaki a taga Galilea, apay nga agtatakderkayo a kumitkita iti tangatang? Daytoy Jesus a naawat iti tangatang manipud kadakayo umayto a kasta iti isu met laeng a pamay-an kas iti pannakakitayo kenkuana ti ipapanna iti tangatang.”

Pannakailawlawag ti Teksto

Ti balikas a Mesias iti Hebreo ket kayatna a saoen, “Ti naikonsagrar” a ti kangrunaan a pakaseknanna ket ipatungpalna ti mangwayawaya a pagrebbengan nga insangol kenkuana ti Dios. Idi 540 a tawen sakbay ni Cristo, umadani ti panagpatingga ti panakaadipen dagiti Israelita idia Babilonia gapu ta naituding ti panakarpuogna kalpasan ti nagsasaruno a panakaabakna iti gubat babaen iti bumilbileg nga emperio ti Persia nga iturayan ni ari Ciro. Ti di masigurado a kasasaad ket agraraira nga ad-adda a mangpakapuy kadagiti naadipen nga Israelita, ngem adda maysa a Propeta nga inawagan dagiti eskolar a maikadua nga Isaias (ta dagiti padtona ket nainayon kas paset ti libro ni Propeta Isaias) a timmakder a nagsao iti mensahe ti namnama, panakaitag-ay ken panakaisubli ti nasayaat a kasasaad dagiti kas kenkuana a naadipen.

Dagiti padto ken mensahe maipanggep iti namnama ken panakaisalakan ket masarakan iti kapitulo 40-55 ti libro ni Isaias ket maibilang a paset ti agtultuloy a tradision propetiko ni Isaias iti kinapingetna a mangilawlawag ken mangipakaawat iti panawenna kadagiti mensahe maipanggep iti panangukom ti Dios a naipakaammo 160 a tawen ti napalabas idia Jerusalem.

Kaaduan kadagiti padto ni maikadua nga Isaias ket naipakaammo babaen kadagiti napipintas a daniw ken kanta, adda pay uppat a naisangsangayan a pinutarna a kanta maipanggep iti maysa nga inawaganna iti katalek ti Dios. Maysa kadagitoy ket naipakaammo kas kanta ti agsagsagaba a Katalek (Suffering Servant) iti Isaias 52:13-53:12 nga adda dakkal a pakainaiganna iti tekstotayo.

Kas maysa a Judio, ni maikadua nga Isaias ket ammona ti tradisional a kulto dagiti Judio, ket maysa kadagitoy ti panakaidaton ti animal para iti panakapakawan ti basol. Maysa pay kadagitoy ket ti panakaikisap ti adu a biag ken panakadadael ti adu a sanikua para iti panakapakawan ti basol dagiti ad-adu ti bilangda a Judio.

Iti panirigan ni maikadua nga Isaias, saan nga epektibo ti animal a mapuoran kas daton para iti panakapakawan ti basol, ti panagpannurray dagiti tattao iti daytoy a ritual ket kawaw ken awan kaipapananna ta adayo daytoy iti kinapudno. Impakaammo ketdi ni maikadua nga Isaias ti imahe ti Agsagsagaba a Katalek ti Dios a mangidaton iti bagina kas nasudi a sakripisio ken kakkaisuna a wagas nga ited ti Dios para iti panakapakawan saan laeng a ti basol dagiti Judio ngem ti sangataoan. Babaen iti daytoy, ti panagsagaba ti Katalek ti Dios ket saan a pannusa gapu iti basol kas iti sigud a panakaammo dagiti Judio, ngem ketdi, daytoy a panagsagaba ti inosente a katalek ti Dios ket maipakita kas paset ti plano ti Dios para iti panakaikappia ti sangalubongan iti Dios a Mannubbot ken Mangikappia.

Daytoy nga imahe ti agsagsagaba, inosente, naparbeng ken natulnog a katalek ket maikanatad iti ministri ken mision ni Jesus. Daytoy ket naiduma iti panakaawat dagiti kaaduan ta daytoy nga imahe ket isu ti mangikeddeng no kasano a maipatungpal ti mision ni Jesus. Daytoy nga imahe ti agsagsagaba a katalek ti nagbalin a basaran ti panakaawat dagiti adalan iti kinasiasino ni Jesus kas Mesias.

Dumtengto ti panawen nga adda mangngegan dagiti tattao iti nadumaduma a paset ti Juda ken Jerusalem iti asideg ti karayan Jordan a timek iti let-ang. Daytoy a timek ket sagiden ken tignayenna ti puso dagiti tattao tapno agbabawi ken pabuniaganda idia karayan Jordan. Ni Juan ti impapanda a Mesias ngem saanna nga inako, impakaammona ketdi nga isu ti mangisagana iti dalan ti Apo nga umayto. Idi nagparang ni Jesus idia karayan Jordan, nasdaaw ni Juan a mammuniag ket impakaammona a ni Jesus ti pudno a kordero ti Dios a mangdalus kadagiti basol ti lubong.

Idi 33 CE. (panawen ni Jesus) inrugi ni Jesus nga inkasaba ti Pagarian ti Dios, ket iti panangaramidna iti daytoy, nariribuk ti lubong dagiti pangulo ti relihion ken kameng ti autoridad ti Roma, gapu iti daytoy saan a naliklikan ti panakatiliwna ta napabasol kas rebelde, nagsagaba ken natay babaen iti panakailansana iti krus, ngem nagungar iti maikatlo nga aldaw. Dito a napalagipan dagiti adalan iti imbaga ni Jesus a ti panagtuokna ket maipaay iti kappia ken panakapakawan ti basol dagiti adu a tattao. Kalpasan ti 577 a tawtawen nanipud panakaputar ti kanta ti agsagsagaba a katalek babaen ken maikadua nga Isaias, nasarakan met laengen ti kaimudingan ken kaipapanan daytoy iti biag ken mision ni Jesu Cristo. Ket iti imatang dagiti adalan, naipangato ni Jesus sadi Gloria, ngem impasiguradona a saanda a madanagan ken mariribukan ta pabilgen ida ti Dios babaen iti Santo Espiritu, imbilinna pay kadakuada ti panagsaksida iti maipapan kenkuana idia Jerusalem, iti entero a Judea ken Samaria ken iti amin a suli ti daga. Nasaksianen dagiti adalan ti panakaigloria ni Jesus, ti naan-anay a panakapadayawna gapu iti awan pagkuranganna a kinatulnog ken kinamatalekna iti misionna kas imbaon ti Dios a mangisalakan. Insagut ni Jesus kadagiti adalanna ti panakipaglak-amda iti gloriana iti daydiay a gundaway, ti panakapadasda met iti Gloria ken panakapadayaw a maikari laeng kadagiti napudno a nangibaklay ken nangibiag iti mision ni Jesus.

TARABAY KADAGITI MANGISURO

Ti iyuuli ni Jesus sadi Gloria ket kasilpo ti panagungarna, a ti bagina a naigloria ket saanen a kas iti sigud a nakaparsuaanna nga agrupsa. (Roma 8:19-23) Ti balligina a nangpamek iti pasdek ti kinadakes-ti napolitikaan ken naespirituan a panagturay ti dakes nga emperio ti Roma-ket pakailasinan ti sangalubongan a pasamak, a pakairamanan ti sangaparsuaan a mawayawayaan manipud iti sigurado a pannakadadael. Daytoy ket mainaig iti naan-anay a pannakawaswas dagiti naindaklan a nagbaetan ti langit ken daga, dagiti mataginayon ken saan a mataginayon a bambanag, iti nagbaetan ti Dios ken ti sangaparsuaan.

Iti libro ti Paltiing, naipakita daytoy kas ibababa ti langit dito daga gaputa aramiden ti Dios kas pagtaenganna. (Pal. 21:3) Maysa a daniw a mangiladawan iti sirmata dagititattao ni Apo Dios no ania dagiti agur-uray iti masakbayan a kari ti baro a biag ken Cristo-baro a parsua, baro a langit

ken baro a daga. Kangrunaan a pannakaawat ti Cristiano iti kinapudno (reality) ket ti pannakariing manenti sigud a panggep ti Dios, a babaen ken Cristo kas naglasag a Dios, maikappia ti sangaparsuaan iti mammalsua manipud iti pannakaisinana gapu iti basol. Daytoy ti kaipapanan ti pannakaisalakan; aniaman ti balligi ti naglasag nga anak ti Dios ditoy daga ket maanamongan ken mapasingkeda idiy langit. Ngarud, ti pasamak ditoy lubong ket agbalin a pasamak iti sangaparsuaan. Ti lubong ket buklen ti napolitikaan ken naespirituan a masakupan, ngem dagitoy ket paset met laeng ti tunggal maysa, ngarud, ti panangsango ni Jesus iti bileg ti emperio ket kaipapananna met laeng ti panangsangona iti pakaseknan ti sangaparsuaan, ti nagbaetan ti Dios ken Satanas, ket ti moral ken spiritual a balligina ket mangted pagimbagan iti sibubukel nga aspeto ti biag. Gapu iti daytoy, ti risiris para iti hustisia a napolitikaan ket maysa met laeng a risiris iti naespirituan a lubong, ket ti hustisia ket ramaramenna ti hustisia ti sangalubongan. Ti pagayatan ti Dios a mapasamak idiy langit ket mapasamakto met ditoy daga. (Kararag ti Apo) Ket ti baro nga urnos ti sosiudad ket kaibatugan met laeng ti kaipapanan ti baro a parsua ken Cristo. Ditoy a ti Dios ket pabaroen, urnosen ken pagkakappiaenna dagiti amin a parsua. Ket nupay kasla agturturongtayo amin iti pannakadadael, ti pammatitayo ket bibiagen ti namnama a ti Dios agtigtignay tapno salbarena ti sangaparsuaan manipud iti naan-anay a pannakadadael. Ket saan koma nga agkompiansa ti Iglesia gapu iti kaadda daytoy a namnama ta daytoy ket maysa a pannakaayab ti sibubukel a bagi ni Cristo a makipagpaset.

I. Panggep

Kalpasan ti panagadal, dagiti nagatendar ket manamnama a:

1. Mailawlawagda no kasano ti kinamanagtulnog ni Jesus iti Amana ken ti naitedna nga puersa iti biag dagiti adalanna:
2. Mailawlawagda ti importansiya ti pannakaigloria ni Jesus;
3. Makaaramidda ti komitmentda nga agtulnog kadagiti tattao nga adaa otoridad kas tuladenda ti modelo ti kinamanagtulnog nga impakita ni Jesus.

II. Konsepto:

Ti iyuuli ni Jesus sadi gloria, inkeddengna ti pannakairanudtayo iti gloriana

Dagiti Kasapulan: Biblia, himno, activity sheets, index cards ken pens

III. Linaon/Wagas ti Panagadal

A. Panglukat a panagdaydayaw

1. Panangpasangbay:
2. Panglukat a Kararag:
"Apo Dios, agyamankami ti kapadasan ti pannakam-ammomi kenka ken no kasano ti agbiag a nasayaat kadagiti sabsabali. Agyamankami ti gundawaymi nga agpatpatuloy a mangbirok ti kayat a sawen wenno kaipapanan ti biag nga addaan panggep ken kaipapanan. Agyamankami kadagiti titsermi isuda a siaanus a mangidaldalan kadakami iti pannakaawat kadagiti agkakaimbag a banbanag. Daytoy ti kararagmi ken Jesus nga Apomi. Amen.
3. Panglukat a Kanta: "The Hands of God" HFJ # 295"

B. Panagsagana

Ibaga iti klase a mangibingayda iti kapadasanda maipapan iti panangtallikud kadakauda ti ay-ayatenda iti biag. Wenno dagitay kapadasan nga tinallikudan dagiti nagannak, gagayyem ken kababagian.

C. Panawen ti Panagadal

1. Kas pamunganayan ti leksion, basaem a napigsa ti Filipos 2:5-9. Ket kalpasan ti panangbasam ibagam: Insubmitar a naminpinsan ti biag ni Jesus iti pagayatan ti Amana isut gapuna nga naigloria ni Jesus babaen iti panagpangatonan iti tangatang.
2. Ibagam kadagiti agad-adal a basaenda iti naulimek ti Isaias 52:13 ken iti Dagiti Aramid 1:6-11.
3. Ilawlawag iti nauneg ti pannakaipangato ni Jesus iti tangatang ket resulta ti panangungarna. Ngamin ti napsikalan a bagi agpatingga, agrupsa ngem ti espiritu mataginayon (Taga Roma 8:19-23). Piagballigian ni Jesus dagiti bileg ti diablo- ti napolitikanan ken naespirituana a dominasion ti Emperio ti Roma-senyales daytoy ti pannakawayawaya ti lubong. Ni Jesus ultimatum nga insubmitarna ti bagina iti panagtulnog iti pagayatan ti Ama. Isut gapuna nga ingloria ti Ama-isuna.

D. Panangpauneg ti Adal/Panagbibinuray

1. Grupoen dagiti agad-adal, depende iti kaaduda. Ibagam nga babaen iti drama, kanta, damdamag, skit wenno dadduma nga wagas pay ta ipresentarda ti pannakaigloria ni Jesus a maibatay iti Dagiti Aramid 1:6-11
2. Kalpasan ti presentasion, iproseso ti inaramidda babaen kadagiti sumaganad:
 - a. Kasano ti reaksion dagiti adalan iti kitkitaenda nga maipangpanagto ni Jesus.
 - b. Kasano ti nariknada nga liday kas pinanawan ni Jesus ida.
 - c. Kasano ti inaramidda tapno itultuloyda ti inda panagsaksi ken Jesus nga Apoda.
3. Damagem: Kasanom nga pagkomperaen ti Isaias 52:13 ken Dagiti Aramid 1:6-11.

E. Panangdiskubre ti Adal

Damagem: "Kasano nga surotem ti wagas ti panagtulnog ni Cristo? Ania ti importasiya ti pannakaigloria ni Jesus diay tangatang?"

F. Panangyaplikar ti Adal

1. Idalan dagiti agtutubo iti diskusion ti pannangtallikud itay umuna nga aktibidad. Ibagam nga inaigda daytoy nga pasamak ti biagda iti pasamak ti pannakaigloria ni Jesus, ken no kasano nga ti namnama ti nagmanipestar ket natulongan ida nga agpatpatuloy. Kasta met a no kasanoda nga makaibingay iti panagayat ken panangaywan kadagiti sabsabali nga addaan iti kastoy a kapada a pasamak.
2. Ibagam kadagiti agad-adal nga agisaganada ti komitment card. Ibunong ti index card. Ibagam nga isuratda ti komitmentda nga agtulnog kadagiti tattao nga addaan otoridad.

G. Pangrikep a Panagdayaw

1. Laglagipen a Bersikulo: Kuna ni Yahweh, "agbaliginton ti adipenko ti aramidna, maitan-ok ken maidayawto ti kasta unay."
2. Panagdaton:
3. Pangrikep a Kanta: "The Hands of God" HFJ # 295
4. Pangrikep A Kararag: Mangdutok iti maysa nga agtutubo

(Umuna a Tawen) Ti Anag ti Nakristianuan nga Espiritualidad

Kinasiasinno ni Jesus

Adult Level

May 08, 2016

Makainnem a Domingo kalpasan Panangungar:

Leksion 24: Pannakaigloria ti Nailansa iti Krus a Mangisalakan

Daan a Tulag: Isaias 52:13

Ti agsagaba nga Adipen

Kuna ni Yahweh, “agbaliginton ti adipenko ti aramidna, maitan-ok ken maidayawto ti kasta unay.”

Baro a Tulag: Aramid 1:6-11

6 Itan, idi nakapaguummongdan, inimtuodda kenkuana: “Apo, isublim kadi ti pagarian iti Israel iti daytoy a tiempo?” **7** Kinunana kadakuada: “Saan nga agpaay kadakayo ti panangammo kadagiti tiempo wenno pampanawen nga inkabil ti Ama iti bukodna a sakup; **8** ngem umawat kayto iti pannakabalinm inton dumteng kadakayo ti nasantuan nga espiritu, ket dakayto dagiti saksi agpadpada idia Jerusalem ken iti intero a Judea ken Samaria ken agingga iti kaadaywan a paset ti daga.” **9** Ket kalpasan a naisaona dagitoy a banag, bayat a kitkitaenda, isu naipangato ket maysa nga ulep ti nangala kenkuana manipud iti panagkitada. **10** Ket idi a simamatmatda iti tangatang bayat nga isu agpangpangato, kasta met, adtoy! nagtakder iti sibayda ti dua a lallaki a nakakawes iti puraw, **11** ket kinunada: “Lallaki a taga Galilea, apay nga agtatakder kayto a kumitkita iti tangatang? Daytoy Jesus a naawat iti tangatang manipud kadakayo umayto a kasta iti isu met laeng a pamay-an kas iti pannakakitayo kenkuana ti ipapanna iti tangatang.”

Pannakailawlawag ti Teksto

Ti balikas a Mesias iti Hebreo ket kayatna a saoen, “Ti naikonsagrar” a ti kangrunaan a pakaseknanna ket ipatungpalna ti mangwayawaya a pagrebbengan nga insangol kenkuana ti Dios. Idi 540 a tawen sakbay ni Cristo, umadani ti panagpatingga ti panakaadipen dagiti Israelita idia Babilonia gapu ta naituding ti panakarpugna kalpasan ti nagsasaruno a panakaabakna iti gubat babaen iti bumilbileg nga emperio ti Persia nga iturayan ni ari Ciro. Ti di masigurado a kasasaad ket agraraira nga ad-adda a mangpakapuy kadagiti naadipen nga Israelita, ngem adda maysa a Propeta nga inawagan dagiti eskolar a maikadua nga Isaias (ta dagiti padtona ket nainayon kas paset ti libro ni Propeta Isaias) a timmakder a nagsao iti mensahe ti namnama, panakaitag-ay ken panakaisubli ti nasayaat a kasasaad dagiti kas kenkuana a naadipen.

Dagiti padto ken mensahe maipanggep iti namnama ken panakaisalakan ket masarakan iti kapitulo 40-55 ti libro ni Isaias ket maibilang a paset ti agtultuloy a tradision propetiko ni Isaias iti kinapingetna a mangilawlawag ken mangipakaawat iti panawenna kadagiti mensahe maipanggep iti panangukom ti Dios a naipakaammo 160 a tawen ti napalabas idia Jerusalem.

Kaaduan kadagiti padto ni maikadua nga Isaias ket naipakaammo babaen kadagiti napipintas a daniw ken kanta, adda pay uppat a naisangsangayan a pinutarna a kanta maipanggep iti maysa nga inawaganna iti katalek ti Dios. Maysa kadagitoy ket naipakaammo kas kanta ti agsagsagaba a Katalek (Suffering Servant) iti Isaias 52:13-53:12 nga adda dakkal a pakainaganna iti tekstotayo.

Kas maysa a Judio, ni maikadua nga Isaias ket ammona ti tradisional a kulto dagiti Judio, ket maysa kadagitoy ti panakaidaton ti animal para iti panakapakawan ti basol. Maysa pay kadagitoy ket ti panakaikisap ti adu a biag ken panakadadael ti adu a sanikua para iti panakapakawan ti basol dagiti ad-adu ti bilangda a Judio.

Iti panirigan ni maikadua nga Isaias, saan nga epektibo ti animal a mapuoran kas daton para iti panakapakawan ti basol, ti panagpannurray dagiti tattao iti daytoy a ritual ket kawaw ken awan kaipapananna ta adayo daytoy iti kinapudno. Impakaammo ketdi ni maikadua nga Isaias ti imahe ti Agsagsagaba a Katalek ti Dios a mangidaton iti bagina kas nasudi a sakripisio ken kakkaisuna

a wagas nga ited ti Dios para iti panakapakawan saan laeng a ti basol dagiti Judio ngem ti sangataoan. Babaen iti daytoy, ti panagsagaba ti Katalek ti Dios ket saan a pannusa gapu iti basol kas iti sigud a panakaammo dagiti Judio, ngem ketdi, daytoy a panagsagaba ti inosente a katalek ti Dios ket maipakita kas paset ti plano ti Dios para iti panakaikappia ti sangalubongan iti Dios a Mannubbot ken Mangikappia.

Daytoy nga imahe ti agsagsagaba, inosente, naparbeng ken natulnog a katalek ket maikanatad iti ministri ken mision ni Jesus. Daytoy ket naiduma iti panakaawat dagiti kaaduan ta daytoy nga imahe ket isu ti mangikeddeng no kasano a maipatungpal ti mision ni Jesus. Daytoy nga imahe ti agsagsagaba a katalek ti nagbalin a basaran ti panakaawat dagiti adalan iti kinasiasino ni Jesus kas Mesias.

Dumtengto ti panawen nga adda mangngegan dagiti tattao iti nadumaduma a paset ti Juda ken Jerusalem iti asideg ti karayan Jordan a timek iti let-ang. Daytoy a timek ket sagiden ken tignayenna ti puso dagiti tattao tapno agbabawi ken pabuniaganda idia karayan Jordan. Ni Juan ti impapanda a Mesias ngem saanna nga inako, impakaammona ketdi nga isu ti mangisagana iti dalan ti Apo nga umayto. Idi nagparang ni Jesus idia karayan Jordan, nasdaaw ni Juan a mammuniag ket impakaammona a ni Jesus ti pudno a kordero ti Dios a mangdalus kadagiti basol ti lubong.

Idi 33 CE. (panawen ni Jesus) inrugi ni Jesus nga inkasaba ti Pagarian ti Dios, ket iti panangaramidna iti daytoy, nariribuk ti lubong dagiti pangulo ti relihion ken kameng ti autoridad ti Roma, gapu iti daytoy saan a naliklikan ti panakatiliwna ta napabasol kas rebelde, nagsagaba ken natay babaen iti panakailansana iti krus, ngem nagungar iti maikatlo nga aldaw. Ditoy a napalagipan dagiti adalan iti imbaga ni Jesus a ti panagtuokna ket maipaay iti kappia ken panakapakawan ti basol dagiti adu a tattao. Kalpasan ti 577 a tawtawen nanipud panakaputar ti kanta ti agsagsagaba a katalek babaen ken maikadua nga Isaias, nasarakan met laengen ti kaimudingan ken kaipapanan daytoy iti biag ken mision ni Jesu Cristo. Ket iti imatang dagiti adalan, naipangato ni Jesus sadi Gloria, ngem impasiguradona a saanda a madanangan ken mariribukan ta pabilgen ida ti Dios babaen iti Santo Espiritu, imbilinna pay kadakuada ti panagsaksida iti maipapan kenkuana idia Jerusalem, iti entero a Judea ken Samaria ken iti amin a suli ti daga. Nasaksianen dagiti adalan ti panakaigloria ni Jesus, ti naan-anay a panakapadayawna gapu iti awan pagkuranganna a kinatulnog ken kinamatalekna iti misionna kas imbaon ti Dios a mangisalak. Insagut ni Jesus kadagiti adalanna ti panakipaglak-amda iti gloriana iti daydiay a gundaway, ti panakapadasda met iti Gloria ken panakapadayaw a maikari laeng kadagiti napudno a nangibaklay ken nangibiag iti mision ni Jesus.

TARABAY KADAGITI MANGISURO

Ti iyuuli ni Jesus sadi Gloria ket kasilpo ti panagungarna, a ti bagina a naigloria ket saanen a kas iti sigud a nakaparsuaanna nga agrupsa. (Roma 8:19-23) Ti balligina a nangpamek iti pasdek ti kinadakes-ti napolitikaan ken naespirituan a panagturay ti dakes nga emperio ti Roma-ket pakailasinan ti sangalubongan a pasamak, a pakairamanan ti sangaparsuaan a mawayawayaan manipud iti sigurado a pannakadadael. Daytoy ket mainaig iti naan-anay a pannakawaswas dagiti naindaklan a nagbaetan ti langit ken daga, dagiti mataginayon ken saan a mataginayon a bambanag, iti nagbaetan ti Dios ken ti sangaparsuaan.

Iti libro ti Paltiing, naipakita daytoy kas ibababa ti langit ditoy daga gaputa aramiden tiDios kas pagtaenganna. (Pal. 21:3) Maysa a daniw a mangiladawan iti sirmata dagititattao ni Apo Dios no ania dagiti agur-uray iti masakbayan a kari ti baro a biag ken Cristo-baro a parsua, baro a langit ken baro a daga. Kangrunaan a pannakaawat ti Cristiano iti kinapudno (reality) ket ti pannakariing manenti sigud a panggep ti Dios, a babaen ken Cristo kas naglasag a Dios, maikappia ti sangaparsuaan iti mammalsua manipud iti pannakaisinana gapu iti basol. Daytoy ti kaipapanan ti pannakaisalakan; aniaman ti balligi ti naglasag nga anak ti Dios ditoy daga ket maanamongan

ken mapasingkedan idiy langit. Ngarud, ti pasamak ditoy lubong ket agbalin a pasamak iti sangaparesuaan. Ti lubong ket buklen ti napolitikaan ken naespirituan a masakupan, ngem dagitoy ket paset met laeng ti tunggal maysa, ngarud, ti panangsango ni Jesus iti bileg ti emperio ket kaipapananna met laeng ti panangsangona iti pakaseknan ti sangaparsuaan, ti nagbaetan ti Dios ken Satanas, ket ti moral ken spiritual a balligina ket mangted pagimbagan iti sibubukel nga aspeto ti biag. Gapu iti daytoy, ti risiris para iti hustisia a napolitikaan ket maysa met laeng a risiris iti naespirituan a lubong, ket ti hustisia ket ramaramenna ti hustisia ti sangalubongan. Ti pagayatan ti Dios a mapasamak idiy langit ket mapasamakto met ditoy daga. (Kararag ti Apo) Ket ti baro nga urnos ti sosiudad ket kaibatugan met laeng ti kaipapanan ti baro a parsua ken Cristo. Ditoy a ti Dios ket pabaroen, urnosen ken pagkakappiaenna dagiti amin a parsua. Ket nupay kasla agturturongtayo amin iti pannakadadael, ti pammatitayo ket bibiagen ti namnama a ti Dios agtigtignay tapno salbarena ti sangaparsuaan manipud iti naan-anay a pannakadadael. Ket saan koma nga agkompiansa ti Iglesia gapu iti kaadda daytoy a namnama ta daytoy ket maysa a pannakaayab ti sibubukel a bagi ni Cristo a makipagpaset.

I. Panggep

Kalpasan daytoy a panagadal, dagiti nagadal manamnama a:

1. mailawlawagdano kasano nga naipatungpal ti Teksto iti Daan a tulag iti pannakaigloria ni Jesus iti Baro a Tulag.
2. mailawlawagda ti implikasion ti pannakaigloria ni Jesus kadagiti tattaona;
3. maibagada nga ti pannakaigloria ni Jesus ket wagas a pannakaipatungpal ti pagayatan ti ama ken saksi daytoy iti panagsaksi iti Gloria ken tan-ok ti Dios;
4. makaaramid ti komitment nga agaramid ti naimbag kas pagayatn ti Am akas wagas ti panagsaksi iti Dios.

II. Konsepto: Ti yuuli ni Jesus sadi gloria, inkeddengna ti pannakairanudtayo iti gloriana.

Dagiti Kasapulan: Biblia, himno, activity sheet, manila papers ken pentel pen

III. Linaon Ti Panagadal

A. Panglukat a Panagdayaw

1. Panangpasangbay.
Kalpasan ti panangpasangbay, irugi ti klase babaen iti panangibaga ti Paulo ti leksion, ken ti a konsepto.
2. Panglukat a Kararag:
Manarawidwid A Dios, ammo mi agnanayon nga add aka kadakami babaen ti Santo Espiritum tapno pabilgennakami a mangisuro ken agsursuro ti dalanmo, ti kinapudnom ken ti biag. Kas umaykani manen ita a Domingo, ti kadi makawayawaya nga adal ti ipaaymo kadakami a mangpennek iti naespirituan a biagmi. Nataengan kamin keta du dagiti gundaway nga malipatanmi ti tagipatgen nga aw-awid ni kinapakumbaba ken kinamangatulnog ken no kasano nga buangayenmi ti kumunidad ken nasionmi. Saipapakumbabakami nga agkararag. Amen!
3. Panglukat a Kanta: "The Hands of God"

B. Panagsagana

Ibagam iti klase a manglagipda ti gundaway nga adda tinulonganda a kabsat gapu iti problema kas kona tinnalikudan dagiti dadakkelda, pinabasolda isuna ken dadduma pay..

C. Panawen ti Panagadal

1. Kas pamunganayan ti leksion, basaem a napigsa ti Filipos 2:5-9. Ket kalpasan ti panangbasam ibagam: Insubmitar a naminpinsan ti biag ni Jesus iti pagayatan ti Amana isut gapuna nga naigloria ni Jesus babaen iti panagpangatona iti tangatang.
2. Ibagam kadagiti agad-adal a basaenda iti naulimek ti Isaias 52:13 ken iti Dagiti Aramid 1:6-11.
3. Ilawlawag iti nauneg ti pannakaipangato ni Jesus iti tangatang ket resulta ti panangungarna. Ngamin ti napsikalan a bagi agpatingga, agrupsa ngem ti espiritu mataginayon (Taga Roma 8:19-23). Piagballigian ni Jesus dagiti bileg ti diablo- ti napolitikalan ken naespirituana a dominasion ti Emperio ti Roma-senyales daytoy ti pannakawayawayaya ti lubong. Ni Jesus ultimatum nga insubmitarna ti bagina iti panagtulnog iti pagayatan ti Ama. Isut gapuna nga ingloria ti Ama-isuna.

D. Panangpauneg ti Adal/Panagbibinnuray

Damagen dagiti sumaganad:

1. Kasanom nga inaig ti Isaias 52:13 iti pannakaigloria ni Jesus iti Dagiti Aramid 1:6-11?
2. Mamatika kadi sangagasut a porsiento nga ti Dagiti Aramid 1:6-11 ket isut' nakaipatungpalan ti pannakaigloria ni Jesus? Apay?
3. Ania ti implikasion ti pannakaigloria ni Jesus kadagiti tattaona?
4. Ania ti makunam "Iti pannakaigloria ni Jesus, dagiti mamati kenkuana ket masapul ga iburayda ti panagsaksida iti nagungar nga Jesus?"

E. Panangdiskubre ti Adal

Saludsodem: "Ania dagiti praktikal a wagas ti panangisaksitayo iti pannakaigloria ni Jesus kas tanda ti intay panagsaksi iti daytoy a pasamak kadagiti sabsabali?"

F. Pannagyaplikar ti Adal

Kariten dagiti agad-adal nga mangibagada wenna mangisuratda iti komitmentda nga ituloy ti agaramid ti naimbag kas mayannatop iti pagayatan ti Dios ken iti pananagtungpaldan iti panagbalinda a saksi iti pasamak ni Jesus. Isuratda iti manila paper: TI KOMITMENT KO A MANGISAKSI ITI APO.

Kastoy ti pagtuladan ti komitment:

Naituding ken naikariak nga agbalin a saksi ti kina-imbag ti Dios, babaen iti panagaramidko ti naimbag.

Naitudingak nga agtulnog iti Dios a kas iti panagtulnog ni Jesus isu a nagbiag a napnoan panagtulnog ken addaan kaipapanan.

No dadduma malipatak dagitoy nga pagrebbengak ngem ita ikarik nga aramiden dagiti amin a klase ti kina-imbag.

Agbalinak a manakem nga agbiag a maikanatad iti sanguanan iti Dios. Amen!

G. Pangrikep a Panagdayaw

1. Panagdaton.
2. Pangrikep a Kanta: "The Hands of God" HFJ # 295
3. Pangrikep a Kararag:

"God our parent, help us to live out what we have just affirmed. Give us the courage to be firm and still in our witness of your glory. Holy Spirit our counselor and teacher, help us remember our destiny-to share in God's glory. And so in the here and now, we continue to become channels of your mercy, justice, and love. Not only that, here and now, we say "NO!" to all forces of evil that are against Your will and purpose for the whole world which you love so dearly. We pray in the precious name of Jesus our Lord and Savior. Amen."

Apo Dios Amami a Nasantuan, tulongannakami nga agbiag ti mayannatup kenka. Ikkannakami ket idalannakami tapno agbalin kami a natibker ken di magaraw ken agbalin a napudno iti panagsaksimi kenka. Apo Dios kanayon kadi nga ipalagipmo kadakami ti nakaitudinganmi nga agbalin a saksi ditoy rabaw ti daga. Tulongannakami tapno agbalinkami nga instrumento ti asi, husticia, ken ayat. Tulongannakami kadi O Apo nga agsao iti SAAN kadagiti aniaman a klase ti kinadakes. Daytoy ti napasnek a kararagmi ken Jesus nga Apomi, Amen!